



左氏
五十二

昭

服部文庫
117
207
3/



春秋左傳註疏卷第五十二

昭二十六年
盡二十八年



晉杜氏註

唐孔穎達疏

經二十有六年春王正月葬宋元公

三月而葬速

三月公至自齊居于鄆

公至自齊○正義曰往年公孫于齊齊侯唁公于野井公

未必往至齊都而云至自齊者得與齊侯相見雖從齊境而來亦是自齊也穀梁傳云公次于陽州其曰至自齊何也以齊侯之見公可以言至自齊是也公不得歸其國都而書至者賈云季氏示欲為臣故以

夏公圍成

成孟氏邑不書齊師帥賤衆少重在公帥

廟告

廟告

廟告

所類

秋公會齊侯莒子邾子杞伯盟于鄆陵。鄆陵地闕。鄆。

音專又市轉反

公至自會居于鄆。無傳。

九月庚申楚子居卒。未同盟而赴以名。

冬十月天王入于成周。傳言王入在子朝奔後經在

前者子朝來告晚。

天王入于成周。正義曰。二十三年七月天王居于秋泉自爾

以來單子劉子來以東西雖不出王畿而居無定所此時始得入于成周遂以成周為都來告故特書之按傳子朝奔楚及王入成周皆在十一月經書王入成周子朝奔楚皆在十月者從告也劉炫云杜以朝既奔楚王始得入入必在朝奔後經書王入在前傳有告于諸侯之語故以為王告入在前朝告奔在後

夾

故先書王入炫謂子朝出亦王告下註與此自違尹氏召伯毛伯以王子朝

奔楚。召伯當言召氏經誤也尹召族奔非一人故

言氏書奔在王入下者王入乃告諸侯。諸侯。召伯至

義曰傳言召伯盈逐王子朝朝及召氏之族奔楚召伯逆王于尸與王入于成周則召氏族出奔召伯身不奔也知召伯當為召氏經誤也宣十年崔氏出奔書崔氏者非其罪也此尹氏召氏立庶篡適並為有罪而亦書氏者彼實崔杼身奔非是舉族盡出但於例諸侯之卿出奔者有罪則名無罪則不名崔杼不合書名因其來告以族遂書崔氏示杼無罪也此尹氏召氏舉族悉奔據實而書與彼有異故註云尹召族奔非一人故言氏所謂文同而意異也子朝奔王乃得入書奔在王入下者王入乃告諸侯也劉炫云杜上註云子朝來告晚何為此註又云王入乃告諸侯以二註不同將為杜失今知不然者杜意王入乃

告謂王入之後子朝乃告杜以傳云癸酉王入于成周癸未王入于莊宮始云王子朝使告諸侯是王入之後子朝告諸侯也劉以為王入乃告據王告諸侯而規杜失非也

傳二十六年春王正月庚申齊侯取鄆前年已取

鄆至是乃發傳者為公處鄆起前年至鄆起○正義曰杜謂往年

已取鄆此又發傳言齊侯取鄆者為下三月公處鄆以發端也服虔以為往年齊侯取鄆實圍鄆耳經於圍書取傳實其事故於是言取劉以服言為是往年十二月庚辰圍鄆今年正月庚申取之凡三十一日例書取言易此圍乃取言易者齊侯取以居公臣無拒君之義若魯自與之然故書取以見其易穀梁曰以其為公取之故易言之是也○葬宋元公如先君禮也善宋人違命以合禮○三月公至自齊處于鄆言魯地也

縛

注同

入魯竟故書至猶在外故書地音竟○夏齊侯將納

公命無受魯貨申豐從女賈音境豐賈二人皆季氏家

臣音汝以幣錦二兩二丈為一端二端為一兩所

謂匹也二兩二匹縛一如瑱瑱充耳縛卷也急卷

使如充耳易懷藏○縛直轉反瑱它

云水至清則無魚人至察則無徒故人君冕而前旒所以蔽明黻纁塞耳所以蔽聽又詩云王之瑱也禮以一條五采橫冕上兩頭下垂繫黃縣縣下又縣玉為瑱以塞耳適齊師謂子猶之

人高齟齟子猶家臣子猶梁丘據能貨子

猶為高氏後粟五千庾言若能為我行貨於子猶

當為請使得為高氏後又當致粟五千庾庾十六斗

凡八千斛○庾羊主反能為于偽反義曰聘禮記

云十六斗曰簋十簋曰秉鄭玄云秉十六斛今江淮

之間量各有為簋者今文簋為逾杜據儀禮今文故

以庾為十六斗五千庾凡八千斛考功記陶人為庾

實二穀厚半寸脣寸其下文旣人云豆實三而成穀

則穀受斗二升庾實二穀則受二斗四升也彼陶人

所作庾自瓦器今甕之類非量器也與此各同而實

異高齧以錦示子猶子猶欲之齧曰魯人買之百兩

一布以道之不通先入幣財言魯人買此甚多布

陳之以百兩為數子猶受之言於齊侯曰羣臣不盡

力于魯君者非不能事君也欲行其說故先示欲

盡力納魯君○說如字然據有異焉異猶怪也

元公為魯君如晉卒於曲棘叔孫昭子求納其君無

疾而死不知天之棄魯耶抑魯君有罪于鬼神故及

此也君若待於曲棘使羣臣從魯君以下焉卜知

可伐否君若待于曲棘○正義曰宋公佐卒于曲

棘者杜云曲棘宋地陳留外黃縣城中有

曲棘里今齊侯欲納魯君當是從齊向魯必不遠涉

宋地子猶今齊君待於曲棘必使止於竟內土地名

齊地無曲棘十年傳桓子召子山而反棘焉杜云齊

國西安縣東有戟里亭此即彼棘也本無曲字涉上

卒于曲棘若可師有濟也君而繼之茲無敵矣若其

無成君無辱焉齊侯從之使公子鉏帥師從公鉏

誤加曲耳

鉏

鉏

鉏

齊大夫○鉏仕居反成大夫公孫朝謂平子曰有都以衛

國也請我受師許之○以成邑禦齊師如字朝請納質

國恐見疑○音致弗許曰信女足矣告於齊師曰孟氏

魯之敝室也○敝壞也音汝用成已甚弗能忍也請

息肩于齊○公孫朝詐齊師言欲降使來取成

齊師圍成成人伐齊師之飲馬於淄者曰將以

厭眾○以厭眾心不欲使知己降也淄水出泰山梁

父縣西北入汶○飲於鴛反淄側其反厭於井反又於葉反汶音問魯成備而

後告曰不勝眾○告齊言眾不欲降已不能勝音升

註同又始證反師及齊師戰于炊鼻○季氏師距公非公命

則不書炊鼻魯地○炊昌垂反齊子淵捷從洩聲子○聲

子魯大夫○洩息列反射之中楯瓦○瓦楯春反下及註

皆同中丁仲反下中手同楯常允反又音允春子亦反

繇胸汰翰七入者三寸入楯瓦也胸車軛翰車轅繇過也汰矢激七矢鏃

也○繇音由胸其俱反本又作胸同汰他達反翰陟留反七必履反軛於革反激古狹反鏃子木反或

七木○射之至三寸正義曰射之中楯瓦先言中

反○射之處更說矢來之狀繇車軛矢激從車轅

之上其矢之七鏃入者楯瓦者猶深三寸言其弓力

多而矢入深也○入楯至鏃也正義曰此覆說

中楯之事故知入者入楯瓦也說文云胸軛下曲者

襄十四年傳稱射兩胸而還此與彼同蓋胸軛字通

火危

三三五

用耳，繇即由也。訓為從也。從上而過，故言繇過也。宣四年傳云：伯棼射王汰，轉註云：汰過也。此云汰矢激，謂矢激汰其上而過也。傳言七入，則七是入楯者也。今人猶謂箭鏃薄而長濶者為七，是七為矢鏃也。

聲子射其馬，斬鞅，殪。殪，死也。鞅，於丈反。改駕人

以為驪戾也，而助之。人，魯人也。驪戾，叔孫氏司馬

子車曰：齊人也。子車，即淵捷，將擊子車。子車射之

殪，其御曰：又之。又欲使射餘人。子車曰：眾可懼也

而不可怒也。子囊帶從野洩，叱之。囊帶，齊大夫，野

洩，即聲子。洩曰：軍無私怒，報乃私也。將亢子

欲以公戰禦之，不欲私報其叱。又叱之。

同

子囊復叱之。亦叱之。野洩亦叱也。

言齊無戰心，但相叱，冉豎射陳武子中手。冉豎，季

氏臣，失弓而罵。武子罵，以告平子。曰：有君

子，白皙鬢，鬚眉甚口。平子曰：必子彊也。無乃亢諸。

子彊，武子字。皙，星曆反，鬢之忍反，黑也。鬢，鬚眉甚

曰：說文云：鬢，稠髮也。鬢，鬚眉者，言對曰：謂之君子，何

敢亢之。偽言不敢違季氏。林雍羞為顏鳴，右下

皆魯人，羞為右，故下車戰。苑何忌取其耳。何忌，齊

大夫，不欲殺雍，但截其耳以辱之。顏鳴去之。

其右見獲懼而去之苑子之御曰視下顧復欲

使苑子擊其足苑子荆林雍斷其足鑿而乘於他車

以歸鑿一足行荆芳弗反說文云擊也又父勿反又忿勿反斷丁管反鑿遣政反

又音磬又苦頂**荆林雍**正義曰說文云荆擊也反字林丘貞反

擊為荆**一足行也**說文云鑿金聲也蓋擊金為聲亦知鑿是一足行也

名**顏鳴三入齊師呼曰林雍乘**言魯人皆致力於

季氏不以私怨而相棄呼火故反**四月單子如**

晉告急五月戊午劉人敗王城之師于尸氏劉人

劉釜之屬王城子朝之徒尸在鞏縣西南偃師城戊

氏

辰王城人劉人戰于施谷劉師敗績施谷周地

秋盟于鄆陵謀納公也齊侯謀**七月己巳劉子**

以王出師敗懼而出劉子以王出正義曰二

子劉子焚齊以王如劉蓋從劉而居狄泉自狄泉又居於劉今為子朝所逐蓋自劉而出也服虔云出成

周也按二十三年天王居于狄泉狄泉雖近成周成周不屬王也其傳云召伯奭南宮極以成周人成尹

二十四年傳云王子朝用成周之寶珪于河是周常屬子朝之驗也

二十五年黃父之會趙簡子令諸侯之大夫云明年將納王納王者欲納之於成周耳若

敬王先在成周無為更須納之知此出者從劉出耳

王既棄劉而去**庚午次于渠**渠周地**王城人焚劉**

故王城人焚劉**燒劉子邑丙子王宿于褚氏**洛陽縣南有褚氏

亭。○褚張呂反丁丑。王次于崔谷。庚辰。王入于胥靡。

辛巳。王次于滑。崔谷胥靡滑皆周地。胥靡滑本鄭

邑。○崔音九本又崔谷至鄭邑。○正義曰。王雖

皆周地也。襄十八年。楚人伐鄭。傅稱公子格率

銳帥。侵費滑胥靡。是本為鄭邑。今為周邑也。晉知

躒。趙鞅帥師納王。使女寬守關塞。女寬晉大夫。關

塞洛陽西南伊闕口也。守之備子朝。○知音智躒音

素代反。○九月。楚平王卒。令尹子常欲立子西。子

西。平王之長庶。○長丁文曰。太子壬弱。其母非適也。

關一作闕

注君王一作乎王

善立長則順。建善則治。王順國治。可不務乎。子西怒

曰。是亂國而惡君王也。言王子建聘之。是章君王

之惡。○好呼報反。治直吏反。下同。國有外援。不可瀆也。外。援秦

也。瀆。侵也。○侵武王有適嗣。不可亂也。敗親。速讐。

不立壬。秦將來討。是速讐也。亂嗣不祥。我受其名。

受惡名。賂吾以天下。吾滋不從也。滋。益也。○賂音路

令尹懼。乃立昭王。○冬十月丙申。王起師于滑。起

發也。○滑于辛丑在郊。郊。子朝邑。遂次于尸。十一

月辛酉晉師克鞏知蹀趙鞅之師召伯盈逐王子

朝伯盈本黨子朝晉師克鞏知子朝不成更逐之

而逆敬王子朝及召氏之族毛伯得尹氏固南宮

嚚奉周之典籍以奔楚尹召二族皆奔故稱氏重

見尹固名者為後還見殺重見上直用反下賢通

陰忌奔莒以叛陰忌子朝黨莒周邑召伯逆王子

尸及劉子單子盟召伯新還故盟遂軍圍澤次于

隄上圍澤隄上皆周地癸酉王入

于成周成周今洛陽甲戌盟于襄宮襄王之廟

使

宮

晉師成公般戍周而還般晉大夫十二月癸

未王入于莊宮莊公在王城王子朝使告于諸侯

曰昔武王克殷成王靖四方康王息民並建母弟以

蕃屏周亦曰吾無專享文武之功不敢專故建母

弟蕃方元昔武王克殷正義曰諸家本皆然

紂故云文武克殷下句云吾無專享文武之功則合

文武是也杜無註諸本悉作武王克殷疑誤也今定

本亦作武王克殷且為後人之迷敗傾覆而溺入于難則振

救之至于夷王王愆于厥身夷王厲王父也愆惡

疾也覆芳服反溺乃歷反夷王正義曰諡諸

難乃且反愆起處反法安民好靜曰夷諸

疾也難乃且反愆起處反夷王正義曰諡諸

難乃且反愆起處反法安民好靜曰夷諸

疾也難乃且反愆起處反夷王正義曰諡諸

難乃且反愆起處反法安民好靜曰夷諸

侯莫不並走其望以祈王身至于厲王王心戾虐萬民弗忍居王于彘

王于彘。○彘直。○厲王虐國人。○正義曰：周語云：「堪命也。」王怒得衛巫使監謗者，以告則殺之。國莫敢言道路，以目三年乃流王于彘。劉炫按：周本紀：民相與叛，襲厲王。厲王出奔于彘。周語又曰：「彘之亂，宣王在召公之宮，國人圍之，召公知之，乃以其子代宣王。言代王，則國人謂是宣王，國語雖不言殺，必殺之矣。國人相與襲王，王既奔，免得王子而殺之，若得厲王，亦應不舍而杜云：「不忍害王，未必然也。當謂不忍者，不能忍王之虐也。今知不然者，下云：「居王于彘，是以理居處厲王于彘，又云：「諸侯釋位以間王政，是憂念王政，則不忍者，是不忍害王也。若其必欲殺王，慮云：「王奔于彘，劉以為周語云：「周人欲殺王子，召公以子代之，則周人欲殺王子，何肯不忍害王以為不忍者。」

不堪忍王惡。按周語但云求王子，不云求殺之。是益橫周語之文，而規杜過非也。諸侯釋位以間王政。間猶與也。去其位與治王之政事。○間，側

之間。註同一音。如。○紀云：彘之亂，宣王在召公之宮，字與音預下同。○國人圍之，召公以其子代太子，太子竟得脫。周召二公二相行政，號曰共和元年，是其釋位與治王政之事也。宣王有志而後效官。宣王厲王子，彘之亂，宣王

尚少，召公虎取而長之，效授也。○效，戶教反。少，詩照。○下文：「宣王至授也。」正義曰：周語云：「召公以其子代宣王，宣王長而立之。」周本紀云：「共和十四年，厲王死，子彘太子靖長于召公家，二相乃共立之。為王是為宣王，是召公長之也。共和之官，官之政事皆決於二相，宣王長而有志，堪為人主，二相乃至致其官政於王也。效者，致與之義。故註云：「效授也。」

于幽王。天不弔周。王昏不若。用愆厥位。

子若順也。愆失也。攜王奸命。諸侯替之。而建王嗣用。

遷郊廓。攜王幽王少子伯服也。王嗣宜曰也。幽王

后申姜生太子宜曰。王幸褒姒。生伯服。欲立之。而殺

太子。太子奔申。申伯與鄆及西戎伐周。戰于戲。幽王

死。諸侯廢伯服。而立宜曰。是為平王。東遷郊廓。

反奸音于。下同。替他計。反郊古洽。攜王至郊廓。反。鄆音辱。鄆才陵。反戲許宜反。○正義曰。鄭語

稱夏之氣也。褒人之神。化為二龍。以伺於王庭。而言曰。余褒之二君也。夏后卜殺之。與去之。與止之。莫吉。

卜請其策。而藏之吉。乃布幣焉。而策告之。龍亡而祭。在。積而藏之。及歷殷周。莫之發也。及厲王之末。發而

觀之。聚流于庭。不可除也。王使婦人不憚而謀之。化

為玄龍。以入于王府。府之童妾。未既亂。而遭之。既并

而孕。當宣王而生。不夫而育。故懼而棄之。時有童謠

曰。厥弧箕箒。實亡周國。於是宣王聞之。乃有夫婦鬻

是器者。王使執而戮之。夫婦方戮。逃在路。哀其夜號

也。而取之以逸。逃於褒。褒人有獄。而以入於王。王遂

置之。而嬖是女。使至於后。而生伯服。周語云。幽王伐

有褒。褒人以褒姒女焉。褒姒有寵。生伯服。於是乎與

繒。石父比逐。太子宜曰。而立伯服。太子出奔申。申人

繒人召西戎以伐周。周於是亡。書傳多說其事。此其

本也。詩序云。幽王取申女以為后。後得褒姒而黜申

后。周本紀云。幽王太子母申侯女也。而為后。王廢后

并去。太子用褒姒為后。以其子伯服為太子。申侯怒

乃與繒西戎共殺幽王于驪山之下。虜褒姒。盡取周

賂而去。於是諸侯乃即申侯。共立故幽王太子宜曰

于戲。戲驪山之北。水名也。皇甫謐云。今京兆新豐東

二十里。戲亭是也。劉炫云。如國語史記之文。幽王止

秦大流

立伯服為天子耳既虜衰奴必廢其子未立為王而得呼為攜王者或幽王死後衰奴之黨立之為王也汲冢書紀年云平王奔西申而立伯盤以為天子與幽王俱死于戲先是申侯魯侯及許文公立平王于申以本太子故稱天王幽王既死而虢公翰又立王子余臣於攜周二王並立二十一年攜王為晉文公所殺以本非適故稱攜王束皙云按左傳攜王好命舊說攜王為伯服伯服古文作伯盤非攜王伯服立為王積年諸侯始廢之則是兄弟之能用力於王室而立平王其事或當然也至于惠王天不靖周生頹禍心施于叔帶惠襄辟難越去王都國惠王平王六世孫頹惠王庶叔也莊十九年作亂惠王適鄭襄王惠王子叔帶襄王弟僖二十四年叔帶作難襄王處汜國頹徒國反施以或反難乃與反註同泥

音國惠王平王六世孫國正義曰世本云平王生凡桓王林生莊王佗佗生僖王胡齊齊生惠王涼是六代也惠王生襄王鄭鄭生頹王巨巨生匡王班及定王瑜瑜生簡王夷夷生靈王泄泄心心生景王貴貴生悼王國則有晉鄭咸黜不端國黜去也晉文殺猛及敬王句國叔帶鄭厲殺子頹為王室去不端直之人國去起呂于僞國咸黜不端國正義曰諸本咸或作滅王肅云反國咸皆也傳咸為七經詩其傳詩有此句王義之寫亦作咸國杜本當然以綏定王家則是兄弟之能率先王之命也在定王六年秦人降妖國定王襄王孫定王六年魯宣八年國妖本又作詛於驕反說文云衣服誚謠草木之怪謂之妖國曰周其有頹王亦克能修其職諸侯服享二世共職國二世

謂靈景○顛子斯反其音恭王室其有間王位諸侯不圖而受

其亂災○間王位謂子朝也今子朝以為王猛受亂

災謂楚也今子朝以為晉○間間側之間註及

至亂災○正義曰降者自上而下之言當時秦人有

此妖語若似自上而下神馮之然故云降妖也然自

受其亂災以上皆是妖語至于靈王以下是子朝演

說妖言謂子猛當間王位耳服享言諸侯服從獻國

之所至于靈王生而有顛○靈王定王孫王甚神聖

無惡於諸侯靈王景王克終其世○景王靈王子今

王室亂單旗劉狄剝亂天下壹行不若○單旗穆公

也劉狄劉蚩也壹專也○剝那謂先王何常有

言先王無常法唯余心所命其誰敢討之帥羣不弔

之人○弔至也○弔如字舊以行亂于王室侵欲無

厭規求無度貫瀆鬼神○貫習也瀆易也○厭本又

反貫古患反○規求無度○正義曰俗本作規服王

易以豉反○孫皆註云玩貪也元年傳曰玩歲而

惕日杜云翫惕皆貪也則此言慢棄刑法倍奸齊盟

傲狠威儀矯誣先王晉為不道是攝是贊○攝持也

贊佐也宣王謂景王○傲五報反狠戶倍奸齊盟

倍即背也違背奸犯齊同之盟也按於時諸侯不有

同盟許立子朝單劉未嘗與朝結盟而復背之言單

劉倍奸齊盟誣之○攝持至景王○正義曰是攝

言執持之使不傾危也是贊謂佐助之使得存立也

春秋左傳卷五十三

及古閣

故以攝為持贊為佐也杜以先王為景王則矯誣先
王者當謂矯景之命立猛耳知先王非先世之王者
以言矯誣是矯詐誣罔據其人有語矯誣之猶今矯
稱詔敕若先世之王去此久遠不得有立猛之事子
朝何得稱矯誣之乎又傳云于景之命故杜以先
王謂景王劉炫以為先世之王而規杜氏非也思

肆其罔極肆放也茲不穀震盪播越竄在荆蠻

茲此也此不穀子朝自謂○盪本又作蕩徒黨反未

有攸底○底至也攸所也音旨若我一二兄弟甥舅

獎順天法無助狡獪以從先王之命毋速天罰救圖

不穀○救其憂而圖其難又作滑于八反毋音無難

乃且○毋速天罰正義曰速召也子朝以單劉則

反○為亂從之必有天殃故勸諸侯無召天罰則

所願也敢盡布其腹心及先王之經而諸侯實深圖

之昔先王之命曰王后無適則擇立長年鈞以德

鈞以卜○此所謂先王之經適丁○昔先至以卜

王先世之王不斥一人蓋自古以來共如此也襄三

十一年傳曰公薨立胡女敬歸之子子野卒立

敬歸之弟齊歸之子禚穆叔曰大子死有母弟則立

之無則立長年鈞擇賢義鈞則卜古之道也非適嗣

何必弟之子彼言大子死立母弟則此言擇立長年

無母弟者也彼又云子野非適嗣何必弟之子然則

適嗣立而死當立弟之子也姪與弟同蓋皇后夫人

無姪弟之子乃於諸妾之子擇立長年鈞擇賢與

此年鈞以德皆謂母之貴賤等者公羊傳曰立適以

長不以賢立子以貴不以長明母貴則先立也此子

朝之母必賤於猛母故專言立長之義不言母之貴

賤何休難年鈞以德之言云人君所賢下必從之焉

千

能使王不立愛也。鄭玄答云：周禮小司寇掌外朝之政，以致萬民而詢焉。其三曰：詢立君，其位王南鄉，三公及州長百姓北面，羣臣西面，羣吏東面，小司寇以敘進而問焉。如此則大眾之口非君所能掩，是王不得立愛也。王不立愛，公卿無私古之制也。穆后及大子之法也。

壽早夭即世。在十五年。公卿至制也。正義曰：之庶子而妄立之，其意言單劉有私情，違古制也。何休難云：大夫不世功而并為公卿，通繼嗣，左氏為短命所不絕者，何難既非鄭答亦謬。單劉贊私立少以

間先王。間錯先王之制，亦唯仲伯叔季圖之。伯仲叔季總諸侯，閔馬父聞子朝之辭曰：文辭以行禮也。子朝景之命，遠晉之大，以專其志，無禮甚矣。

仲叔季總諸侯，閔馬父聞子朝之辭曰：文辭以行禮也。子朝景之命，遠晉之大，以專其志，無禮甚矣。

愒

文辭何為。傳終王室亂。遠于。齊有彗星。出

齊之分野，不書魯不見。彗似歲反，又息。至不見

○正義曰：傳言齊有此星而齊侯使禳之，明出齊之分野，出於玄枵之次也。彗即孛也。文十四年有星孛

入於北斗，十七年有星孛於大辰，彼皆書，此不書者，時魯不見，或陰不見。齊侯使禳之。

祭以禳除之。禳如。晏子曰：無益也。祇取誣焉。誣

欺也。音支。天道不諂。諂疑也。諂本又作。不貳其

命。若之何禳之。且天之有彗也，以除穢也。君無穢德

又何禳焉。若德之穢，禳之何損。詩曰：惟此文王，小心

翼翼，昭事上帝，聿懷多福。厥德不回，以受方國。詩

大雅翼翼共也。聿惟也。回違也。言文王德不違天人。

故四方之國歸往之。○聿戶。橋反。詩曰：至方國。○正義曰：詩大雅大明之篇。

也。惟此文王慎小其心，翼翼然其慎也。又能明事上天，惟行上天之道，息使自得，多福其德，不有回邪，以受四方之國言。

君無違德，方國將至。何患於彗？詩曰：我無所監，夏后及商用亂之故。民卒流亡。○逸詩也。

言追監夏商之亡，皆以亂故。○夏戶雅反。註同。若德回亂，民

將流亡。祝史之爲無能補也。公說乃止。齊侯與晏子

坐于路寢。公歎曰：美哉室，其誰有此乎？○景公白知

德不能久有國，故歎也。○說音悅。下。註喜說同。晏子曰：敢問何

不

謂也。公曰：吾以爲在德。對曰：如君之言，其陳氏乎？陳

氏雖無大德，而有施於民。豆區釜鍾之數，其取之公

也薄。○謂以公量收。區，鳥侯反。量音亮。下同。其施

之民也厚。○謂以私量貸。○施如字。又始鼓反。公厚斂焉。陳氏

厚施焉。民歸之矣。詩曰：雖無德與女，式歌且舞。○詩

小雅義取雖無大德，要有喜說之心，欲歌舞之，式用

也。○斂力驗。詩曰：至且舞。○正義曰：陳氏之施民

反女音汝。詩小雅車牽刺幽王也。陳氏之施民

歌舞之矣。後世若少惰，陳氏而不亡，則國其國也已。

公曰：善哉，是可若何？對曰：唯禮可以已之。在禮家施

不及國民不遷農不移工賈不變守常業

亦作憚同工賈音家施不及國正義曰大夫稱

古本亦作商賈家之所施不得施及國人言

以樹已私惠陳氏施及國人是違禮也士不濫

不失職官不滔滔慢也反本亦作慢武半反大夫

不收公利不作福書洪範曰惟辟作福惟辟作

威臣無有作福作威臣之有作福作威其害于而家

凶于而國是言作福作威君之利也大夫不得自收

公利自作福也陳氏作福以招國公曰善哉我不能

矣吾今而後知禮之可以為國也對曰禮之可以為

國也久矣與天地並有天地則禮義興禮之至

地並

正義曰天地人民莫知其始但人稟陰陽之氣生於

天地之間天地既形人民必育易序卦云有天地然

後有萬物有萬物然後有父子有男女有君臣然後有夫婦

有夫婦然後有父子有父子然後有君臣有君臣然後

後有上下有上下然後禮義有所錯是言有天地即

有人民有人民即有父子君臣父子相愛君臣相敬

敬愛為禮之本君令臣共父慈子孝兄愛弟敬夫和

是與天地並興妻柔姑慈婦聽禮也君令而不違臣共而不貳父慈

而敬子孝而箴箴諫也同箴之林反兄愛而友弟

敬而順夫和而義妻柔而正姑慈而從從不自專

婦聽而婉婉順也禮之善物也公曰善哉

寡人今而後聞此禮之上也對曰先王所稟於天地

水火

卷五十一 十七

及古

教

與

以為其民也。是以先王上之。稟受也。先王至上

曰先古聖王所治理人民者為受陰陽之氣生於大地之中以有上下之禮乃可治其天下又禮於天地

同貴是以先王上之

經二十有七年春公如齊。自鄆行。公至自齊居

于鄆。

夏四月吳弑其君僚。僚亟戰民罷。又伐楚喪故光乘

間而動稱國以弑罪在僚。弑申志反註同僚力

僚亟至在僚。正義曰杜數僚之罪以示無道之驗。僚以十六年即位十七年與楚戰于長岸二十三年伐州來敗楚于樂父其年又使太子諸樊入鄆二十四年滅巢及鍾離此年又因楚喪而伐之是其亟

郎

犁

楚殺其大夫卻宛。無極楚之讒人宛所明知而信近

之以取敗亡故書名罪宛。殺始察反卻去逆反宛

之無極至罪宛。正義曰文七年宋殺其大夫

近傳曰不稱名非其罪也死者無罪則不稱其名是稱名者皆為有罪矣此卻宛書名故杜跡其為罪之狀書名所以罪宛也

秋晉士鞅宋樂祁犁衛北宮喜曹人邾人滕人會于扈。

○祁力兮反又力之反扈音戶

冬十月曹伯午卒。無傳未同盟而赴以名。音五

邾快來奔。無傳快邾命卿也故書。○快苦至故書

春秋流

卷五十八

殺古周

○正義曰邾是小國其臣見於經者甚少唯此與襄二十三年邾畀我來奔書者二人而已釋例曰魯之叔孫父兄再命而書於經晉之司空亞旅一命而經不書推此知諸侯大夫再命以上皆書於經自一命以下大夫及士經皆稱人名氏不得見此皆典策之正文也小國之卿或命而禮儀不備或未加命數故不書之邾畀我之等其奔亡亦多所書唯數人而已知其合制者少杜言數人謂此快與畀我及曹公孫會也是言快是邾之命卿備於禮成爲卿故書也快不書氏蓋未賜族無可稱也

公如齊自鄆行公至自齊居于鄆無傳

傳二十七年春公如齊公至自齊處于鄆言在外也

在外邑故書地○吳子欲因楚喪而伐之前年

楚平王卒使公子掩餘公子燭庸帥師圍潛二子

皆王僚母弟潛楚邑在廬江六縣西南掩於

子至母弟正義曰賈逵云然當時相傳說耳未必

有正文也三十年傳此二公子奔楚楚子大封而定

其徙子西諫曰吳光新得國若好吾邊疆使柔服焉

猶懼其至吾又疆其讐以重怒之無乃不可乎謂此

二子爲光之讐或使延州來季子聘于上國季子

當是僚母弟也

本封延陵後復封州來故曰延州來復扶

又反聘于

○正義曰服虔云上國中國也蓋以吳辟在東南地

勢卑下中國在其上流故謂中國爲上國也下云遂

聘于晉則上國之言不包晉矣當總謂宋衛陳鄭之

徒爲上國耳亦不知其時聘幾國也經不書未必不

至魯檀弓云延陵季子適齊於其反也其長子死葬

於贏博之間鄭玄云魯昭二十七年吳公子札聘於

上國是也如鄭之言此時或聘齊也季子至州

來正義曰齊三十一年註云延州來季札邑此又

襄

工

春秋疏 卷之五十三 楚 滅州來 二十三年 傳云 吳伐州來 楚遠越救之 則州來未為吳有 不可以封札也 釋例土地名 延州來 則延陵州來 並關 不知其處 杜意當為吳地 別有州來 非楚邑也 鄭玄云 季子讓國 居延陵 因號焉 襄二十九年 公羊傳曰 季子去之 延陵 終身不入吳國 然則季子雖則讓國 猶尚仕為吳卿 非自竄於彼地 吳世家云 季札封于延陵 故號曰延陵季子 杜言封是也 封謂賜之為采邑耳 遂聘于晉 以觀諸侯 觀疆弱 楚莠尹然王尹麋帥師救潛 二尹楚官 然麋其名 麋九倫反 義曰 楚官多以尹為名 知二尹是官名耳 其莠王之義 不可知也 服虔云 王尹主宮內之政 莠不可解 于木必然 定本王作工 左司馬沈尹戌帥都君子與王馬之屬以濟師 觀諸侯 觀疆弱 楚莠尹然王尹麋帥師救潛 二

都君子在都邑之士有復除者 王馬之屬王之養馬官屬校人也 濟益也 福校胡孝反 都君至校 都謂國都在都君子明是在都邑之士也 都邑之士以君子為號 故知是有復除者 謂優復其身 除其徭役 賈逵云 然今之律令 猶名放課 役者為復除 是漢世以來 有此言也 此人或別有功勞 或曲蒙恩澤 平常免其徭役 事急乃使之耳 周禮校人掌養馬 知王馬之屬 是王之養馬之官屬也 校人職云 凡頒良馬而養乘之 乘馬一師 四圍三乘 為阜 阜一趣馬 三阜為繫 繫一馭夫 六繫為廐 廐一僕夫 六廐成校 校有左右 駑馬三良 馬之數 麗馬一圍 八麗一師 八師一趣馬 八趣馬一圍 夫諸侯六閑 養馬之人多矣 此唯養馬不給餘役 今與吳師遇於窮 令尹子常以舟師及沙汭而還 沙水名 銳反 遇於窮 正義曰 本

水火流

卷之五十三

及古開

或窮下有谷字者為定七年傳 左尹郤宛工尹壽帥

師至于潛吳師不能退 楚師彊故吳不得退去吳

公子光曰此時也弗可失也 欲因其師徒在外國

不堪役以弑王 弑申志 告鱄設諸曰上國有言曰

不索何獲我王嗣也吾欲求之 光吳王諸樊子也

故曰我王嗣 鱄音專上國賈云上國與中 有言

之國賢士所言也此猶如上文聘于上國則賈言是 也 光吳至王嗣 正義曰吳世家云吳王壽夢 有子四人長曰諸樊次曰餘祭次曰餘昧次曰季札 季札賢而壽夢欲立之季札讓不可乃立諸樊諸樊 卒有命授弟餘祭欲傳以次必致國於札兄弟皆欲

致國令以漸至焉餘祭卒弟餘昧立餘昧卒欲授季 札札讓逃去於是吳人曰先王有命必致季子今逃 位則餘昧後立今卒其子當代乃立餘昧之子僚為 王公子光者王諸樊之子也常以為吾父兄弟四人 當傳至季子季子不受光父先立若既不傳季子光 當立遂殺王僚光代立為王是史記以光為諸樊之 子僚為夷昧之子也襄二十九年公羊傳曰謂也餘 祭也夷昧也與季子同母者四季子弱而才兄弟皆 愛之同欲立之以為君弟兄迭為君而致國乎季子 故謂也死餘祭也立餘祭也死夷昧也立夷昧也死 則國宜之季子者也季子使而亡焉僚者長庶也即 之闔閭曰將從先君之命與則國宜之季子者也如 不從先君之命與則我宜立者也僚惡得為君乎於 是使專諸刺僚世本云夷昧及僚夷昧生光服虔云 夷昧生光而廢之僚者夷昧之庶兄夷昧卒僚代立 故光曰我王嗣也是用公羊為說也杜言光吳王諸 樊子用史記為說也班固云司馬遷采世本為史記 而今之世本與遷言不同世本多誤不足依憑故杜

以史記為正也故言王嗣事若克季子雖至不吾廢也至謂聘還鱄設諸曰王可弒也母老子弱是無

若我何猶言我無若是何欲以老弱託光託光○正義曰古人言有顛倒故杜以為是無若我何猶言我無若是何恐已死之後不能存立欲以老

弱託光也彭仲博云當言是無我若何我母無我當如何我字當在若上光曰我爾身也

言我身猶爾身夏四月光伏甲於堀室而享王堀地為室○掘本又作窟同苦忽反掘其勿反又其月反

其門坐道邊至光門門階戶席皆王親也夾之以

鉞羞者獻體改服於門外羞進食也獻體解衣夾

古洽反又古協反下同鉞普皮反說文云劍也從門至階從階至戶從戶

至席皆是王之親兵也鉞○正義曰說文云鉞劍也則鉞是劍之別名執羞者坐行而

入坐行膝行執鉞者夾承之承執羞者及體以

相授也鉞及進羞者體以所食授王授及體以相

羞以進王故言相授也雖則相授進羞者得至王所

光偽足疾入于堀室恐難作王黨殺已素辟之難

乃且鱄設諸寘劍於魚中以進全魚炙○寘之豉

反鱄全魚炙○正義曰吳世家云鱄諸置七首於

如七匙手七首抽劍刺王鉞交於胃交鱄諸胃

謂執七首也抽

春秋左傳卷之五十一

及古

抽

抽

救留反刺遂弑王闔廬以其子為卿闔廬光也以

七亦反鮑諸子為卿闔廬反季子至曰苟先君無廢祀民人

無廢主社稷有奉國家無傾乃吾君也吾誰敢怨哀

死事生以待天命非我生亂立者從之先人之道也

傳吳自諸樊以下兄弟相傳而不立適是亂由先人

起也季子自知力不能討光故云爾傳直專反復

命哭墓復使命於僚墓復位而待復本

位待光命吳公子掩餘奔徐公子燭庸奔鍾吾鍾

吾小國楚師聞吳亂而還言聞吳亂明郤宛不取

極

賂而還○郤宛直而和國人說之以直事君以和

接類音悅郤將師為右領右領官名又鳥戶反

與費無極比而惡之惡郤宛○費扶味反比毗志

令尹子常賄而信讒無及諧郤宛焉謂子常曰子惡

欲飲子酒子惡郤宛又謂子惡鴉反飲於鴉反

令尹欲飲酒於子氏子惡曰我賤人也不足以辱令

尹令尹將必來辱為惠已甚吾無以酬之若何酬

報獻無極曰令尹好甲兵子出之吾擇焉擇此以

進子常報反取五甲五兵曰寘諸門令尹至必觀

此一作取

之而從以酬之。曰無極辭。取五甲五兵。○正義曰周禮司右云凡國

之勇力之士能用五兵者屬焉。鄭引司馬法曰弓矢

圍及矛守戈戟助凡五兵長以衛短短以救長然則

弓矢及矛戈戟五者皆名爲兵此云五兵當

是一種器耳不知取何兵也服虔云兵戟也及饗日

惟諸門左。張帷陳甲兵其中無極謂令尹曰吾幾

禍子子惡將爲子不利甲在門矣子必無往且此役

也。此春救潛之役。○幾音祈吳可以得志子惡取賂焉

而還又誤羣帥使退其師曰乘亂不祥吳乘我喪我

乘其亂不亦可乎令尹使視郤氏則有甲焉不往召

鄢將師而告之。告子惡門有甲兵將害已將師退

帥所類反 補

遂令攻郤氏且燕之。燕燒也。○燕如悅反子惡聞之遂

自殺也國人弗燕令曰不燕郤氏與之同罪或取一

編管焉或取一秉秆焉。編管苦也秉把也秆稔也

○編必然反又必干反管古類反秆古但反說文云

禾莖也或古且反苜式占反李巡云編管茅以覆屋

曰苦把必馬。編管至稔也。○正義曰釋草云白

反稔古老反。華野管郭璞云管茅屬釋器云白蓋

謂之苦李巡曰編管以覆屋曰苦郭璞曰白茅苦也

是編管爲苦也秉把詩毛傳文也說文云秆禾莖也

是爲稔也或取一片苦或國人授之遂弗燕也令尹

取一把稔言民不肯燒之。炮燔郤宛。○炮陟交反又

之謂授管秆於地故遂不燒也令尹炮之一句是鄢

將師令衆之辭服虔云民弗肯燕也鄢將師稱令尹

水火流 卷之五十三 二十四 及古同

徒

使女燔炮之燔炮蒸皆是燒也

盡滅郤氏之族黨殺陽令終與其弟

完及佗

令終陽句子

佗走何反句古害反

與晉陳及其子

弟

晉陳楚大夫皆郤氏之黨晉陳之族呼於國曰

郤氏費氏自以為王專禍楚國弱寡王室蒙王與令

尹以自利也

蒙欺也

呼火故反

令尹盡信之矣國將

如何令尹病之

為下殺無極張本○秋會于扈令

戍周且謀納公也宋衛皆利納公固請之范獻子取

貨於季孫謂司城子梁與北宮貞子

子梁宋樂祁

也貞子衛北宮喜曰季孫未知其罪而君伐之請囚

請亡於是乎不獲君又弗克而自出也夫豈無備而

能出君乎季氏之復天救之也

復猶安也休公徒

之怒

休息也而啓叔孫氏之心不然豈其伐人而

說甲執冰以游叔孫氏懼禍之濫而自同於季氏天

之道也魯君守齊三年而無成季氏甚得其民淮夷

與之

淮夷魯東夷

說他

懼禍至道也○正義曰言季氏無罪而公

濫討之叔孫氏亦懼禍之濫及於已而自

有十年之

備有齊楚之援

公雖在齊言齊不致力有天之贊

有民之助有堅守之心有列國之權而弗敢宣也

宣用也。○守手事君如在國。○書公行告公至是也

故鞅以為難。二子皆圖國者也。而欲納魯君。鞅之願

也。請從二子以圍魯。無成死之。二子懼皆辭。乃辭小

國而以難復。○以難納白晉君○孟懿子陽虎伐鄆。

○陽虎季氏家臣伐鄆欲奪公○孟懿子陽虎伐鄆。

○事不可以告廟國史無由得書○鄆人將戰。子家子

曰。天命不愾久矣。○愾疑也言棄君不疑○愾他使

君亡者必此眾也。○言君據鄆眾以與魯戰必敗亡

天既禍之而自福也。不亦難乎。猶有鬼神。此必敗也。

○猶有至敗也○正義曰。言尚有鬼神。嗚呼。為無望

也。夫其死於此乎。公使子家子如晉。公徒敗于且知。

○且知近鄆地也○夫音扶且子餘。○楚卻宛之難

國言未已。進胙者莫不謗令尹。○進胙國中祭祀也

謗詛也。○難乃且反年未同沈尹戌言於子常曰。夫

左尹與中廢尹莫知其罪。而子殺之。以興謗讟。至于

今不已。○左尹卻宛也中廢尹陽令終○廢九又戊

也。惑之仁者。殺人以掩謗。猶弗為也。今吾子殺人以

興謗。而弗圖。不亦異乎。夫無極。楚之讒人也。民莫不

知去朝吳

國

在十五年

○去起呂反朝如字下朝夕同

出蔡侯朱

國

在二十一年喪大子建殺連尹奢

國

在二十年

息浪

反屏王之耳目使不聰明不然平王之温惠共儉有

過成莊無不及焉所以不獲諸侯邇無極也

也

○近附

今又殺三不辜以興大謗

國

三不辜郤氏

陽氏晉陳氏幾及子矣子而不圖將焉用之夫鄆將

師矯子之命以滅三族國之良也而不愆位

無愆過

○幾音祁又音機焉於虔反矯居表反愆起虔反

國

鄆將師矯子之

尹召鄆將師告之以郤宛門有甲耳不令攻郤宛也鄆將師退而令衆使攻之是矯令尹命也吳新

釋文當移在上

有君國光新立也疆場日駭楚國若有大事子其危

哉知者除讒以自安也今子愛讒以自危也甚矣其

惑也子常曰是死之罪敢不良圖九月己未子常殺

費無極與鄆將師盡滅其族以說于國謗言乃止

冬公如齊齊侯請饗之

國

○疆居良反場音亦知音智子

家子曰朝夕立於其朝又何饗焉其飲酒也乃飲酒

使宰獻而請安

比公於大夫也禮君不敵臣宴大夫使宰為主獻獻爵也請安齊侯請自安不在坐也

○坐才主國待之有享食燕三禮享為大鄭玄云

此

享謂享大牢以飲賓是為禮之大者于家以公雖居
 鄆以齊為主比年已再如齊數相見不為賓客故以
 朝夕立於其朝又何須設饗禮焉其飲酒也勸其用
 宴禮而飲酒耳○比公至坐也○正義曰燕禮者
 公燕大夫之禮也公雖親在而別有主人鄭玄云主
 人宰夫也宰夫太宰之屬掌賓客之獻飲食者也君
 於其臣雖為賓不親獻以其尊莫敢伉禮也今齊侯
 與公飲酒而使宰獻是比公於大夫也獻獻爵者禮
 有三酌酬也獻也酢也獻酬是主人獻賓唯酢是賓
 答主人耳禮君不敵臣宴大夫使宰為主即宴禮是
 其事也杜以宰獻而請安為齊侯請自安於別室不
 在坐也劉炫云按燕禮司正洗角解南面坐奠於中
 庭升東楹之東受命西階上北面命卿大夫君曰以
 我安卿大夫皆對曰諾敢不安彼是請賓使自安當
 如彼使宰請魯侯自安耳主人請安謂主人使司正
 請安于賓服處亦然杜云齊侯請自安非也今知
 不然者按鄉飲酒禮賓主相敵主人亦請安于賓然
 則齊侯與公敵禮安賓乃是常事何須傳載其文以

為卑公之義明是齊侯請欲自安不在其坐明慢公
 之甚劉不審思此理用燕禮請安之義而規社非也

子仲之子曰重為齊侯夫人曰請使重見子仲魯

公子慙也十二年謀逐季氏不能而奔齊今行飲酒

禮而欲使重見從宴媾也○曰重直勇反又直恭反

媾息列反子家子乃以君出辟齊夫人十二月晉籍秦

致諸侯之戍于周魯人辭以難經所以不書戍周

籍秦籍談子

經二十有八年春王三月葬曹悼公無傳六月而葬

緩

公如晉次于乾侯音尺音昌夜反竟音境傳同乾侯在魏郡斥丘縣晉竟內邑斥

夏四月丙戌鄭伯寧卒無傳而赴以名

六月葬鄭定公無傳三月而葬速

秋七月癸巳滕子寧卒無傳未同盟而赴以名

冬葬滕悼公無傳

傳二十八年春公如晉將如乾侯齊侯卑公故適

晉子家子曰有求於人而即其安人孰矜之其造於

竟欲使次于竟以待命弗聽使請逆於晉造七報反

晉人曰天禍魯國君淹恤在外君亦不使一个辱在

寡人一个單使而即安於甥舅其

亦使逆君言自使齊逆君使公復于竟而後逆之

逆著乾侯也言公不能用于家所以見辱

音直略反○晉祁勝與鄔臧通室二子祁盈家臣也通

室易妻祁巨支反字林云太原縣上尸反鄔舊音

一年王取鄔留是也在鄭者音偃成十六年戰于鄔

陵是也在楚者於建反又音偃昭十三年王泝夏將

入鄔是也在晉者於庶反字林乙祛反郭璞三倉解

詰音庶於庶反闕駟音厭飲之飭重言之太原有鄔

縣唯周地者從鄔餘皆從焉字林亦作鄔音同傳云

分祁氏之田以為七縣司馬彌牟為鄔大夫即太原

逆一作竟

焉

春秋左傳卷之五十二 齊侯 齊侯

縣也。鄔臧宜以邑為。氏於爰反舊音誤。祁盈將執之。盈，祁午之子，訪

於司馬叔游。叔游，司馬叔侯之子，叔游曰：鄭書有

之惡直醜正實蕃有徒。鄭書，古書名也。言害正直

者實多徒衆。惡如字又烏。曰：惡直至有徒。○正義

醜惡直是醜正道如此人者實蕃多有徒衆言時世慕善者少從惡者多無道立矣子懼

不免。言世亂讒勝詩曰民之多辟無自立辟。詩

大雅。○多辟本又作僻。詩曰至立辟。○正義曰

之詩辟邪也。辟法也。民之多有邪辟者於此之時無

自謂所立者為法是言無道之世法不可為古辟辟

字同音。姑已若何。姑且也已止也。盈曰：祁氏私有

討國何有焉。言討家臣無與國事。○無與遂執之。

祁勝賂荀躒荀躒為之言於晉侯。晉侯執祁盈。以

其專戮。○為于。祁盈之臣曰：鈞將皆死。鈞同也。

鈞將皆死。○正義曰：鈞同也。殺勝與臧盈亦死。不

殺盈亦死。同將皆死。不如殺之。使盈聞而快意。慙

使吾君聞勝與臧之死也。以為快。慙發語之音。慙

魚觀。乃殺之。夏六月。晉殺祁盈及楊食我。楊叔向

邑。食我，叔向子伯石也。○食音嗣。向許丈反。食我，祁盈之黨也。

而助亂，故殺之。遂滅祁氏羊舌氏。初，叔向欲娶於申

公巫臣氏。夏姬女也。○娶七圭反。夏其母欲娶其

黨叔向曰吾母多而庶鮮吾懲舅氏矣

媵而庶子鮮少嫌母氏性不曠○鮮息淺反註皆同

又時○吾母多○正義曰言父多妾媵而謂之母多

證反○者意言庶弟少據庶弟而發言故謂父妾為

耳其母曰子靈之妻殺三夫○子靈巫臣妻夏姬也

三夫陳御叔楚襄老及巫臣也時巫臣已死○殺三

正義曰三夫皆自命盡而死其死不由夏姬而云殺

三夫者婦之配夫欲其偕老其夫數死是妻之薄相

故以為夏一君○陳靈公一子夏徵舒而亡一國

陳也兩卿矣○孔寧儀行父一君至兩卿○正

上殺文兩卿亦蒙亡文也以兩卿棄位出奔○可無懲

身不死故為亡也此事皆宣十年十一年傳

乎吾聞之甚美必有甚惡是鄭穆少妃姚子之子

貉之妹也○子貉鄭靈公夷貉亡白反○甚美必

○正義曰物忌大盛善不可常暑往寒來晝明夜暗

孰能為此者天地尚不能常況人乎故甚美必

有甚惡也甚美謂夏姬之身甚惡當在○子貉早死無

其後言其種胤當惡故禁其子取之

後而天鍾美於是○是夏姬也鍾聚也子貉死在宣

四年○子貉至於宣正義曰此因鄭靈早夭而夏

也猶今俗語云衰家女將必以是大有敗也○將必

未必慧慧家女未必衰○將必以是大有敗也將必

○正義曰夏姬淫或喪國滅家叔向之母猶謂未

得大敗故言將必以是大有敗也十四年傳稱施邢

侯者或是夏姬之男此殺楊食我昔有仍氏生女黶

是夏姬之外孫其種類益盡矣

春秋

卷之五十一

黑 有仍古諸侯也。美髮為黚。○黚之忍反。說文作

黚 生女黚黑。○正義曰：黚即鬢也。詩云：鬢髮如雲。毛

然則鬢者髮當長而黑。美之類也。此傳黚下有

美 光可以鑑。髮膚光色可以照人。○鑑古暫

膚至照人。○正義曰：傳於黚黑甚美之下。乃云

玄 妻以黑髮故樂正后夔取之。夔舜典樂之君

長。○夔求龜反。取。○夔舜至君長。○正義曰：尚書

子。是夔為舜之典樂官也。正長也。后君也。故云

伯封實有豕心。貪怙無厭。忿類無期。謂之封豕。類

戾也。封大也。○長丁丈反。怙力耽反。方言云：楚人謂

對反服。○生伯至封豕。○正義曰：豕心言其心似豬

為殘。楚謂之貪。則怙亦貪也。賈逵云：怙者食也。其人

謂之大豬。○類戾也。封大也。○正義曰：以類忿共

與長蛇相對。知封為大也。服虔云：有窮后羿滅之。夔

是以不祀。羿篡夏后者。○羿音藝。且三代之亡。共

子之廢。皆是物也。夏以姝喜。殷以妲己。周以褒姒。

三代所由亡也。共子晉申生。以驪姬廢。○共音恭。本

本或作嬉。音同。國語云：桀伐有施。有施氏以姝喜女

焉。韋昭註漢書云：嬉姓也。妲己丁達反。下音紀。國語

秦火乾。卷之五十一 三十二

云有蘇氏之女也韋昭云已姓也衰姒音似龍釐所
生衰人所養者也毛詩云姒姓也鄭箋云姒字也驪
姬本又作麗同力知反獻公伐驪戎所得而以爲
夫人穀梁傳云滅驪所得莊子云艾封人之子

夏以至姬廢○正義曰晉語云史蘇曰昔夏桀伐
有施氏有施氏以妹嬉女焉妹嬉有寵於是與伊尹
比而亡夏殷辛伐有蘇氏有蘇以姐已女焉姐已有
寵於是與膠鬲比而亡殷周幽王伐有褒有褒人以
褒姒女焉褒姒有寵生伯服於是與虢石甫比逐大
子宜咎而立伯服大子奔申申人鄩人召西戎以伐
周周於是乎亡是三伐所由亡
之事也其子之事具見於傳

物足以移人苟非德義則必有禍尤異也○女
苟非至有禍○正義曰苟誠也
誠不以德義自持則必有禍
叔向懼不敢取平公
強使取之生伯石伯石始生子容之母走謁諸姑

子容母叔向嫂伯華妻也姑叔向母○敢取七住反

反嫂素早反兄妻也依字宜如此曰長叔姒生男兄弟之妻相謂

姒○長丁謂長爲姒也子容是伯華之子其兄弟

伯華最長叔向次之其餘諸弟皆小於叔向也故謂

叔向爲長叔叔向之妻其年長於子容之母故稱長

叔姒也釋親云女子同出謂先生爲姒後生爲姒孫

炎曰同出俱嫁事一夫也公羊傳曰姒者何弟也此

其義也是言共事一夫者長爲姒幼爲姒自以長幼之釋

長幼生姒之名其姒之名不由夫之長幼也釋

親又云長婦謂稚婦爲姒婦謂長婦爲姒婦自

以身之長稚相謂也喪服小功章云姒婦報傳曰

姒是長也鄭玄云姒者兄弟之妻相名也長婦謂

之文以解弟長之義是以身之長幼明矣姑視之

及堂聞其聲而還曰是豺狼之聲也狼子野心非是

莫喪羊舌氏矣遂弗視○豺本又作豺同 仕皆反喪息浪反○秋晉韓

宣子卒魏獻子為政○獻子魏舒分祁氏之田以為

七縣○七縣祁平陵梗陽塗水馬首孟也 杏反孟

音于下 文同分羊舌氏之田以為三縣○銅鞮平陽楊氏

○鞮丁 今反司馬彌牟為鄆大夫○太原鄆縣 賈辛為祁

大夫○太原祁縣 司馬烏為平陵大夫 魏戊為梗陽

大夫○戊 魏舒庶子 梗陽在太原晉陽縣南 音茂知

徐吾為塗水大夫○徐吾知盈縣 塗水太原榆次縣

孫茂

楊平

○知音智次資 利反又如字韓固為馬首大夫○固 韓起孫 孟丙

為孟大夫○太原孟縣 樂霄為銅鞮大夫 上黨銅

鞮縣 趙朝為平陽大夫○朝 趙勝曾孫 平陽 巫陽縣

○朝 如字僚安為陳氏大夫○平陽楊氏縣 大夫 祁至氏

義口此祁氏與羊舌氏之田舊是私家采邑二族既 滅其田歸公分為十縣為公邑故選置大夫也傳云

先祁後羊舌故依下文選置大夫之次上七縣為祁 氏之田下三縣為羊舌氏之田且五年傳謂伯石為

楊石明楊氏是羊舌之田也家語與史記皆謂羊舌 赤為銅鞮伯華是銅鞮亦羊舌邑也平陽之次在銅

鞮楊氏之間知謂賈辛司馬烏為有力於王室○二

十二年辛烏帥師納敬王○二十至敬王 正義 曰二十二年傳曰晉籍

春秋左傳

卷之五十三

及古

談荀躒賈辛司馬督帥師軍于陰于侯氏于谿泉次
于社賈辛軍谿泉司馬督次于社督即烏也此眾軍
並為伐子朝故舉之謂知徐吾趙朝魏固魏戊餘子
欲納敬王

之不失職能守業者也卿之庶子謂餘子

餘子正義曰宣二年傳云官卿之適以為公族又

官其餘子亦為餘子其庶子為公行註云餘子適子

之母弟也庶子妾子也彼適庶分為三等故餘子與

庶子為異此無所對故總謂庶子為餘子也此四人

之內當有妻妾生者知徐吾韓固是卿之孫也

趙朝卿之曾孫也而並稱餘子者言其父祖是餘子

就餘子子孫之內選其賢者而用之此其四人者皆

四人不失常職能守其父祖之業也

受縣而後見於魏子以賢舉也四人司馬彌牟孟

丙樂霄僚安也受縣而後見言采眾而舉不以私也

○見賢遍反註及下見魏子並同魏子謂成鱣鱣音大夫

轉反又音附吾與戊也縣人其以我為黨乎對曰何也戊

之為人也遠不忘君遠疏遠也近不偏同不偏

同位○偏彼力反居利思義不苟得在約思純無濫

心有守心而無淫行雖與之縣不亦可乎對曰至

正義曰遠不忘君言職雖疏遠而心在公室常忠敬

也近不偏同言親近有寵不偏迫同位常謙共也居

利思義臨財不苟得思義可取乃取之也在約思純

處貧賈而思純固無叨濫之心也有守善之心而無

淫邪之行雖則親子昔武王克商光有天下光大

也○行下孟反其兄弟之國者十有五人姬姓之國者四

十人皆舉親也。夫舉無他，唯善所在，親疏一也。武昔

至親也。正義曰：由武王克商，得封建諸國，歸功於武王耳。此十五國或有後封者，非武王之時盡得封也。尚書康誥之篇，周公營洛之年，始封康叔于衛，洛誥之篇，周公致政之年，始封伯禽于魯，明知武王之時，兄弟未盡封也。僖二十四年，傳稱周公弔二叔，之不咸，故封建親戚，以藩屏周，亦以周公為制禮之主，故歸功於周公耳。非盡周公封也。九年，傳云：文武成康之封建，母弟則康王之世，尚有封國，宣王方始封鄭，非獨武王周公封諸國也。僖二十四年，傳數文之昭也，有十六國，此言武王兄弟之國十五人者，人異故說異耳。非武王封十五，周公始加一。詩曰：唯此也。以魯衛言之，知周公所加非唯一耳。

文王帝度其心，莫其德音。其德克明，克明克類，克長克君。王此大國，克順克比。比于文王，其德靡悔。既受

帝祉，施於孫子。詩大雅美文王能王大國受天福

施及子孫。○唯此文王詩作唯此王季度待洛反，下定也。下及註同，長丁丈反，又註同。王此孫子○于況反，註能王同，祉音恥，施以鼓反，註同。孫子○正義曰：詩大雅皇矣之篇，美文王之德也。唯此文王之所為，為天帝所佑，天帝開度其心，令其有撥度之慧，所度前事，莫不皆得其中也。又使之莫然安靜，其德教之善，音施之於人，則皆應和之也。又能有監昭在下，師長之德，又能有勤施無私之善，又能教誨不倦，有為人君之德，故為人君。王此周之犬邦也。其施教令，能使國人徧服而順之，既為國人順服，又能擇人之善者，比方其善，乃從而用之，以此文王之德，比於上世，有能經緯天地，文德之王，如堯舜之輩，其此詩人稱比，較于文王之九德，其德皆是無為人所悔吝者。言文王之德，堪比，或以為比於前世文德之王，義亦通。

春秋

卷之三

古

也以此之故既受天之祉福施及于後世之子孫得
使長王天下也此章文次如此者德皆天之所授故先
先言帝度其心明以下皆蒙帝文也德由心起故先
言心能度物也心既度然後能施為政教故先言莫
其德音言變政教清靜也為君所以施政故先言莫
教清靜乃論身內之德故次能明能善其明與善還
是德音之事施之于人有照臨之明勤心之善耳心
能施而無私乃可為人君長故次克長克君長即師
也學記曰能為師然後能為長然後能為君長故言
故先長後君也既言堪為人君即說為君之事故言
王此大邦也既為大邦之君能使國人順服故次克
順也民既順服又須擇善用之故次克比也此于文
王其德無可恨故言受天之福澤流後世以結之此
傳言唯此文王毛詩作維此王季經涉亂離師有異
讀後人因而兩存不敢追改今王肅註毛詩及韓詩
亦作唯此文王鄭註毛詩作維此王季故解此于文
王言王季之德可以比于文王也劉炫云此作唯比
文王不可以文王之德還自比文王故知比于文王

可以比于上代 **心能制義曰度** **帝度其心** **制義**
文德之王也 **度** **正** **義** **曰** **心** **能** **制** **斷** **時** **事** **使** **合** **於** **義** **是** **德** **正** **應**
曰度 **正** **義** **曰** **心** **能** **制** **斷** **時** **事** **使** **合** **於** **義** **是** **德** **正** **應**
為善揆度也言預度未來之事皆得中也 **德** **正** **應**
和曰莫 **莫** **然** **清** **靜** **如** **字** **又** **胡** **卧** **反** **德** **正** **應** **和**
義曰毛詩莫作貊樂記引此詩亦作莫釋詁云貉莫
安定也郭璞云皆靜定毛傳云貊靜也其德既正為
政清靜故有所施為民皆應和易繫辭曰君子居其
室出其言善則千里之外應之即此義也莫是清靜
之意故杜云 **照臨四方曰明** **勤** **施** **無** **私** **曰** **類** **施** **而**
莫然清靜 **照** **臨** **四** **方** **曰** **明** **勤** **施** **無** **私** **曰** **類** **施** **而**
無私物得其所無失類也 **施** **而** **至**
義曰勤行施惠情無偏私物皆得所是無失類 **教** **誨**
也鄭玄云類善也無失類者不失善之類也 **教** **誨**
不倦曰長 **教** **誨** **長** **人** **之** **道** **賞** **慶** **刑** **威** **曰** **君** **作** **威**
不倦 **曰** **長** **教** **誨** **長** **人** **之** **道** **賞** **慶** **刑** **威** **曰** **君** **作** **威**
春大宛 卷之五十三 三十七 及古司

作福君之職也

○

賞慶刑威曰君。正義曰：人君執

為君慈和徧服曰順

○

唯順故天下徧服。通註同

慈和徧服曰順

○

正義曰：人君執慈心以惠下，用和

善以接物，則天下徧服而順從之，故為順也。易繫辭

○

云：天之助者順，故杜擇善而從之曰比。比方善

事使相從也。經緯天地曰文

○

經緯相錯，故織成文

經緯天地曰文

○

正義曰：易稱聖人先天而天弗

違，後天而奉天時，言德能順天，隨天所為，如經緯

○

相錯，織成文章，故為文也。九德不愆，作事無悔。九德，上九曰也。

皆無愆過，則動無悔吝

○

吝，力。故襲天祿，子孫賴之。

襲受也。主之舉也。近文德矣。所及其遠哉

○

舉魏

戊等勤施無私也。其四人者，擇善而從，故曰近文德

所及遠也

○

近附。近文德所及遠。正義曰：成

二事同於文王，故云近文德矣。文王以有此德，故得施於子孫。魏子既近文德，亦將所及遠也。○賈

辛將適其縣，見於魏子。魏子曰：辛來，昔叔向適鄭，醜

茂惡

○

惡，貌醜。子工反。欲觀叔向從使之收器者

從隨也。隨使人應斂俎豆者

○

從使之收器者。正義曰：下云叔向將飲

酒，將欲舉爵而飲，此則飲酒未

○

畢，使者擬收器耳，未即收也。而往立於堂下，一言

而善，叔向將飲酒，聞之曰：必醜明也

○

素聞其賢，故

聞其言而知之

○

一言而善。正義曰：舊說云：下執

猶

其手以上曰昔賈大夫惡賈國之大夫惡且醜也

○上時掌反娶妻而美三年不言不笑御以如臯御以如臯○正義曰

為妻御之臯澤○娶七住反射雉獲之其妻始笑而言賈大

夫曰才之不可以已我不能射女遂不言不笑夫今

子少不颺顏貌不揚顯○射雉食亦反女音汝

若無言吾幾失子矣言不可以已也如是遂如故知

今女有功於王室吾是以舉女因賈辛有功而後

舉之言人不可無能○幾遂如故知○正義行乎

音祈曰遂如故舊相知

敬之哉毋墮乃力墮損也○毋音無仲尼聞魏子

之舉也以為義曰近不失親謂舉魏戊遠不失舉

以賢舉可謂義矣又聞其命賈辛也以為忠先

賞王室之功故謂忠詩曰永言配命自求多福忠也

詩大雅永長也言能長配天命致多福者唯忠

詩曰至忠也○正義曰詩大雅文王之篇也言王者

長自言我之所為配上天之命而行之是自求衆多

之福使歸已此詩之意言忠則然魏子之舉也義其

命也忠其長有後于晉國乎○冬梗陽人有獄魏戊

不能斷以獄上上魏子○斷丁其大宗賂以女樂

置

置 訟者之大宗。魏子將受之。魏戊謂閻沒女寬。**置** 二

人。魏子之屬大夫。占反曰：主以不賄聞於諸侯。若

受梗陽人賄，莫甚焉。吾子必諫，皆許諾，退朝待於庭。

置 魏子朝君退而待于魏子之庭。聞如字饋入召

之。**置** 召二大夫食。饋求位反比至三歎，既食使坐。**置** 更

命之令坐。比必利反魏子曰：吾聞諸伯叔，諺曰：唯

食忘憂。吾子置食之間三歎，何也？同辭而對曰：或賜

二小人酒，不夕食。**置** 或他人也，言飢甚，饋之始至，恐

其不足，是以歎。中置自答曰：豈將軍食之而有不足

是以再歎。**置** 魏子中軍帥，故謂之將軍。啓其九反

所類反本 **置** 魏子至將軍。正義曰：晉使卿為軍

又作率同。將謂之將中軍將上軍，此以魏子將中

軍，故呼為將軍。及六國以來，遂及饋之畢，願以小人

之腹為君子之心，屬厭而已。**置** 屬足也，言小人之腹

飽，猶知厭足。君子之心亦宜然。屬之正反註同厭

同。獻子辭梗陽人。**置** 傳言魏氏所以興也。

